

Član 2.

U zemljišnim knjigama Općinskog suda I Sarajevo, kao i u Katastru Općine Centar, brisat će se upis zemljišta iz člana 1. ove odluke kao nepokretnost u općoj upotrebi, a navedeno zemljište bit će upisano po kulturi potok kao državna svojina čiji je nosilac prava raspolaganja Općina Centar sa dijelom 1/1.

Član 3.

Ova odluka stupa na snagu osmog dana nakon objavljivanja u "Službenim novinama Kantona Sarajevo".

Broj 01-49-2450/03
23. decembra 2003. godine
Sarajevo

Zamjenica predsjedavajućeg
Općinskog vijeća
Centar Sarajevo
Hasena Sofović, s. r.

OPĆINA NOVI GRAD

Općinsko vijeće

Na osnovu člana 3. Zakona o Budžetu Kantona Sarajevo ("Službene novine Kantona Sarajevo", broj 4/97) i člana 32. Statuta Općine Novi grad Sarajevo ("Službene novine Kantona Sarajevo", broj 13/01 - prečišćeni tekst), na prijedlog načelnika, Općinsko vijeće Novi grad Sarajevo na 40. sjednici održanoj 29. decembra 2003. godine, donijelo je

ODLUKU

O PRIVREMENOM FINANSIRANJU OPĆINE NOVI GRAD SARAJEVO ZA PERIOD JANUAR-MART 2004. GODINE

Član 1.

Ovom odlukom utvrđuje se finansiranje Općine Novi grad Sarajevo (u daljem tekstu: Općina) za period januar - mart 2004. godine, do usvajanja budžeta Općine za 2004. godinu.

Član 2.

Finansiranje potreba Općine u periodu januar- mart 2004. godine vršiće se u visini 1/4% od iznosa sredstava utvrđenih budžetom Općine za 2003. godinu.

Član 3.

Načelnik Općine Novi grad Sarajevo u međuvremenu će do isteka roka iz člana 1. ove odluke predložiti Općinskom vijeću Novi Grad Sarajevo budžet Općine za 2004. godinu.

Član 4.

Ova odluka stupa na snagu danom objavljivanja u "Službenim novinama Kantona Sarajevo", a primjenjivat će se od 1. januara 2004. godine.

Broj 01-02-311/17
29. decembra 2003. godine
Sarajevo

Predsjedavajući Općinskog
vijeća Novi grad Sarajevo
Esad Jelešković, s. r.

Na osnovu čl. 46. i 56. Zakona o prostornom uređenju /"Službene novine Kantona Sarajevo", broj 13/99, 19/99 i 24/01) i čl. 32. i 73. Statuta Općine Novi grad Sarajevo ("Službene novine Kantona Sarajevo", broj 13/01- prečišćeni tekst), Općinsko vijeće Novi grad Sarajevo na svojoj 40. sjednici održanoj dana 29. decembra 2003. godine, donijelo je

ODLUKU

O PRISTUPANJU IZRADI URBANISTIČKOG PROJEKTA "ŠVRAKINO SELO"

Član 1.

Pristupa se izradi Urbanističkog projekta "Švrakino selo" (u daljem tekstu: Urbanistički projekat).

Član 2.

Granica obuhvata Urbanističkog projekta počinje u tački 1. na uglu objekta samoposluge tj. na raskrsnici ulica Safeta Hadžića i Majdanska, te ide lijevom stranom sjeverno u dužini cca 55,00 m dolazi do tačke 2. lomi se pod uglom od 90° presijeca pomenutu ulicu i ide istočno u dužini od 35 m do kraja stambene zgrade kolektivnog stanovanja do tačke 3, ponovo se lomi pod uglom od 90° ide istočno u dužini od 35 m, dolazi do tačke 4. Iz tačke 4. lomi se pod uglom od 90° ponovo presijeca ulicu u dužini od 35 m dolazi do tačke 5, ponovo nastavlja lijevom strane ulice sjeverno u dužini od cca 20 m prema tački 6 lomi se pod uglom od 90° zapadno u dužini od 20 m, ide u tačku 7, ponovo se lomi pod uglom od 90° južno i ide u dužini od 75 m do tačke 8. lomi se pod uglom od 90° uz zid poslovnih objekata u dužini od cca 48 m, dolazi do tačke 9, ponovo se lomi pod uglom od 90°, ide južno u dužini od 35 m do tačke 10 i od te tačke pod uglom od 90° ide istočno cca 65 m i završava se na početnoj tački 1 iz ovog obuhvata gdje je opis i počeo.

Ukupna površina obuhvata iznosi 0,52 ha.

Član 3.

Cilj pristupanja izradi Urbanističkog projekta je stvaranje uslova da poslovni objekti koji su izgrađeni na ovom obuhvatu, a imaju status privremenog dobiju stalni karakter.

Član 4.

Rok za izradu Urbanističkog projekta je 6 mjeseci od dana objavljivanja ove odluke u "Službenim novinama Kantona Sarajevo".

Član 5.

Sredstva za podloge potrebne za izradu Urbanističkog projekta osigurat će Općina Novi grad Sarajevo i investitori objekata iz ovog obuhvata.

Član 6.

Nosilac izrade Urbanističkog projekta je načelnik Općine Novi grad Sarajevo (u daljem tekstu: nosilac priprema).

Nosilac izrade Urbanističkog projekta je Zavod za planiranje razvoja Kantona Sarajevo (u daljem tekstu: nosilac izrade).

Član 7.

Izradi Urbanističkog projekta prethodi izrada Smjernica za pripremanje i izradu Urbanističkog projekta i izrada analitičko-dokumentacione osnove, a verificira ih nosilac pripreme.

Član 8.

Nosilac priprema izradu Urbanističkog projekta, utvrđuje Nacrt urbanističkog projekta, te ga podnosi Općinskom vijeću na razmatranje i stavljanje na javni uvid i raspravu u trajanju od 30 dana.

Na osnovu rezultata javne rasprave o Nacrtu urbanističkog projekta, nosilac pripreme utvrđuje prijedlog urbanističkog projekta i podnosi ga Općinskom vijeću na donošenje.

Uz prijedlog urbanističkog projekta nosilac pripreme dužan je Općinskom vijeću dostaviti, uz obrazloženje prijedloge i mišljenja na Nacrt urbanističkog projekta koji nisu mogli biti usvojeni.

Član 9.

Subjekti planiranja su: Općina Novi grad Sarajevo, mjesna zajednica, vlasnici i korisnici objekata na predmetnom obuhvatu i drugi zainteresovani subjekti i potencijalni investitori i korisnici prostora ukoliko su poznati.

Član 10.

Utvrđuje se režim zabrane građenja na prostoru koji je obuhvaćen Urbanističkim projektom do njegovog donošenja.

Član 11.

Sastavni dio ove odluke čini grafički prilog - prostorni obuhvat Urbanističkog projekta prema opisu datom u članu 2. ove odluke.

Član 12.

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-311/18
29. decembra 2003. godine
Sarajevo

Predsjedavajući Općinskog
vijeća Novi grad Sarajevo
Esad Jelešković, s. r.